

დამტკიცებული სკოლის პედაგოგიური საბჭოს 2013 წლის 26 ივნისის 01-06 სხდომის ოქმით

უსაფრთხოების უზრუნველყოფისა და პირველადი დახმარების აღმოჩენის წესი

მუხლი 1. ზოგადი დებულებები

1. წინამდებარე წესი განსაზღვრავს საქართველოს უნივერსიტეტის საშუალო სკოლაში (შემდგომში სკოლა) უსაფრთხოების უზრუნველყოფისა და პირველადი დახმარების აღმოჩენის მექანიზმებსა და პროცედურას.

2. ამ წესით გათვალისწინებული მექანიზმების განხორციელებაზე პასუხისმგებელია დაცვისა და უსაფრთხოების სამსახურის თანამშრომლები, რომლებიც ხელმძღვანელობენ საქართველოს კანონმდებლობით, სასკოლო აქტებით და წინამდებარე წესით.

3. სკოლის უსაფრთხოების სამსახური უზრუნველყოფს მოსწავლეთა, პროფესიულის სტუდენტთა, თანამშრომელთა და სტუმრების უსაფრთხოებას. სკოლის ქონების დაცვას, სახანძრო უსაფრთხოებას.

მუხლი 2. უსაფრთხოების და წესრიგის დაცვის მექანიზმები

1. სკოლის შენობაში შესვლა დასაშვებია საშვით. უსაფრთხოების სამსახურის თანამშრომლები ვალდებული არიან გადასცენ საშვი სტუმარს მხოლოდ პირადობის ან მართვის მოწმობის მონაცემების წარდგენის საფუძველზე და საშვში მიუთითონ:

- ა) სტუმრის სახელი და გვარი;
- ბ) საშვის დამშვეები სკოლის თანამშრომელი/სამსახური;
- გ) სკოლაში შემოსვლის თარიღი და დრო.

3. სტუმრის პირადობის დამადასტურებელი მოწმობა რჩება უსაფრთხოების სამსახურთან მანამ, სანამ პიროვნება სკოლის შენობას არ დატოვებს.

4. სტუმარი ვალდებულია საშვზე ხელი მოაწერინოს სკოლის თანამშრომლის ვისთანაც იმყოფებოდა იგი.

5. სკოლაში ფუნქციონირებს მონაცემთა ბაზა, რომლით სარგებლობის საშუალება აქვთ უსაფრთხოების სამსახურის თანამშრომლებს. მონაცემთა ბაზა მოიცავს თანამშრომლებისა და მოსწავლეების, პროფესიულის სტუდენტის სხვადასხვა მონაცემებს (გვარი, სახელი, ფოტოსურათი, სპეციალობა).

6. ყველა მოსწავლე/პროფესიულის სტუდენტი ვალდებულია თან იქონიოს ბარათი და წარუდგინოს უსაფრთხოების სამსახურის თანამშრომლებს სკოლაში შესვლისას. ბარათის წარმოუდგენლობის შემთხვევაში იდენტიფიცირება ხდება მონაცემთა ბაზის მეშვეობით და გამოიწერება დროებითი საშვი.

8. სკოლაში ყველა სართულზე, თვალსაჩინო ადგილზე გამოკრულია საევაკუაციო გეგმა და ევაკუაციის პროცედურები. სკოლა აღჭურვილია თანამედროვე ხანძარსაწინააღმდეგო სისტემით. საგანგებო ვითარების დროს უსაფრთხოების სამსახური ვალდებულია დაუკავშირდეს შესაბამის უწყებებს (სახანძრო სამსახური, პატრული, სასწრაფო და სხვ.) და უზრუნველყოფს შესაბამისი წესების დაცვით შენობის უსაფრთხოდ დატოვებას.

9. მოსწავლის/პროფესიულის სტუდენტის მხრიდან სასწავლო დებულების დარღვევის შემთხვევაში (ჩხუბი, სასკოლო ინვენტარის დაზიანება, წესრიგის დარღვევა,

დამტკიცებული სკოლის პედაგოგიური საბჭოს 2013 წლის 26 ივნისის 01-06 სხდომის ოქმით

უხამსი საქციელი, ბილწსიტყვობა და სხვა) უსაფრთხოების სამსახურის თანამშრომლი, რომელმაც აღმოაჩინა დარღვევა, ადგენს ოქმს, სადაც აღწერილია დარღვევის არსი, დამრღვევის მონაცემები (გვარი, სახელი, სკოლა, კურსი, სტუდენტური ბარათის ნომერი) დამრღვევის ახსნა-განმარტება. შედგენილი ოქმი განსახილველად გადაეცემა დისციპლინურ კომისიას, რომელიც ხელმძღვანელობს სკოლის შიდანორმატიული აქტებით.

მუხლი 4. სამედიცინო დახმარების აღმოჩენის მექანიზმები

1. უბედური შემთხვევის დროს აუცილებელია ნებისმიერმა პირმა შეასრულოს შემდეგი მოქმედებები:

- დროულად მოუხმოს ექიმს - ექიმთან დაკავშირება შესაძლებელია ტელეფონით 032 2 55 22 22/ 113. ქ. თბილისი
- ქ. ბათუმში ექიმთან დაკავშირება შესაძლებელია ტელეფონით – 112
- შეატყობინოს უსაფრთხოების სამსახურს - 591 99 29 01.
- არ გადაადგილოს დაზარალებული ექიმის მოსვლამდე, გარდა იმ შემთხვევისა, როდესაც იქ დარჩენა სახიფათოა.
- აუცილებლობის შემთხვევაში აღმოუჩინოს დახმარება დანართი #1 შესაბამისად.
- აუცილებლობის შემთხვევაში გამოიძახოს საგანგებო სამსახურები. (სახანძრო, სასწრაფო დახმარების სამსახური და სხვ.)

მუხლი 5. გარდამავალი დებულებები

ძალადაკარგულად გამოცხადდეს პედაგოგიური საბჭოს 2012 წლის 18 იანვრის 01/02 ოქმით დამტკიცებული უსაფრთხოების უზრუნველყოფისა და პირველადი დახმარების აღმოჩენის წესი.

დანართი #1

პირველადი დახმარების გაწევის მეთოდები

1. პირველი დახმარება გულის წასვლის დროს:



- დააწვინეთ დაზარალებული ზურგზე და ქვედა კიდურები განალაგეთ ვერტიკალურად.
- უზრუნველყავით სუფთა ჰაერის მიწოდება;
- მას შემდეგ, რაც დაზარალებულს დაუბრუნდება ცნობიერება, გაამხნევეთ და დაეხმარეთ მას ნელ-ნელა წამოჯდომაში;
- გულმოდგინედ ჩაატარეთ განმეორებითი დათვალიერება, რადგან შესაძლებელია დაცემისას დაზარალებულს მიეღო ტრავმა, გაუწიეთ პირველი დახმარება დაზიანების შესაბამისად. თუ დაზარალებულს სწრაფად არ უბრუნდება ცნობიერება, გახსენით სასუნთქი გზები, შეამოწმეთ სუნთქვა და ცირკულაციის ნიშნები. საჭიროების შემთხვევაში მზად იყავით სარეანიმაციო ღონისძიებების ჩასატარებლად.
- თუ გონზე მოსვლის შემდეგ დაზარალებული კვლავ ცუდად გრძნობს თავს, ურჩიეთ მას დაწვეს ზურგზე და აუწიეთ ფეხები, სანამ ზოგადი მდგომარეობა ბოლომდე არ გაუმჯობესდება.

2. ხელოვნური სუნთქვის ჩატარების ტექნიკა



- ჩაბერეთ დაზარალებულს პირში 5 წამში ერთხელ. ყოველი ჩაბერვის შემდეგ მოაშორეთ ტუჩები დაზარალებულის პირს და შემდეგ ჩაბერვამდე დაელოდეთ გულმკერდის კედელი დაუბრუნდეს საწყის მდებარეობას;
- ყოველი 10 ჩაბერვის შემდეგ კვლავ გადაამოწმეთ სუნთქვა და ცირკულაციის ნიშნები;
- თუ ცირკულაციის ნიშნები არ არის, ეს ნიშნავს რომ გული გაჩერებულია და თქვენ სწრაფად უნდა დაიწყოთ გულის არაპირდაპირი მასაჟი:

3. გულის არაპირდაპირი მასაჟის შესრულების ტექნიკა



- დადებით მუხლებზე დაზარალებულის გულმკერდის გასწვრივ. მოძებნეთ დაზარალებულის დვრილების შემაერთებელი ხაზის შუა წერტილი, ამ წერტილის ქვევით ვათავსებთ ერთ ხელს, ისე, რომ მკერდის ძვალზე იდოს მხოლოდ მტევნის უკანა ნაწილი; ეს არის ის ადგილი, რომელზეც თქვენ უნდა მოახდინოთ ზეწოლა;

- დაადეთ მტევანი ზემოდან მეორე ხელს, შეჭიდეთ თითები და ასწიეთ ზემოთ ისე, რომ მკერდის ძვალზე იდოს მხოლოდ მტევნის უკანა ნაწილი;
- გაშალეთ ხელები იდაყვის სახსარში ისე, რომ თქვენს ხელებსა და გულმკერდის წინა კედელს შორის იყოს სწორი კუთხე. მოახდინეთ ზეწოლა მკერდის ძვალზე ისე, რომ ზეწოლის სიღრმე არ აღემატებოდეს 4-5 სმ-ს. ზეწოლის შემდეგ ხელების მოუშორებლად მიეცით მკერდის ძვალს საწყის მდებარეობაში დაბრუნების საშუალება. ზეწოლისას ითვალეთ: “ერთი, ორი, სამი, ოთხი 15-მდე” ისე რომ 1 წუთში გამოვიდეს 100 ზეწოლა მკერდის ძვალზე.
- თუ თქვენ მარტო ხართ:



მოახდინეთ 15 ზეწოლა. ამის შემდეგ თქვენ უნდა დაიწყოთ ხელოვნური სუნთქვა. ამისათვის გახსენით სასუნთქი გზები და გააკეთოთ 2 ჩაბერვა. გააგრძელეთ გულ-ფილტვის რეანიმაცია შეფარდებით 15 ზეწოლა მკერდის ძვალზე / 2 ჩაბერვა, სანამ: არ აღდგება სუნთქვა და ცირკულაციის ნიშნები; არ მოვა გადაუდებელი სამედიცინო დახმარება ან დამხმარე, რომელმაც იცის გულ-ფილტვის რეანიმაციის ტექნიკა; ფიზიკურად არ გადაიღლებით.

ყოველ 1 წუთში ანუ 4 ციკლის ჩატარების შემდეგ თქვენ უნდა შეწყვიტოთ გულ-ფილტვის რეანიმაცია და გადაამოწმოთ სუნთქვა და ცირკულაციის ნიშნები;

- თუ თქვენ გყავთ დამხმარე ერთ-ერთი აკეთებს გულის არაპირდაპირ მასაჟს, ხოლო მეორე ხელოვნურ სუნთქვას. ამ შემთხვევაშიც გულ-ფილტვის რეანიმაცია ტარდება შეფარდებით: 15 ზეწოლა მკერდის ძვალზე / 2 ჩაბერვა. ასეთ შემთხვევაშიც 1 წუთის შემდეგ შეწყვიტეთ გულ-ფილტვის რეანიმაცია ცირკულაციის ნიშნებისა და სუნთქვის შემოწმების მიზნით.

4. გადაუდებელი სამედიცინო სამსახურის გამოძახება.

- მაშინ როდესაც გული და სუნთქვა გაჩერებულია, ძალიან მნიშვნელოვანია გადაუდებელი სამედიცინო დახმარების დროული გამოძახება;
- თუ გყავთ დამხმარე - დროულად გააგზავნეთ ის სამედიცინო სამსახურის გამოსამახებლად;
- თუ ხართ მარტო - სუნთქვის და გულის გაჩერება განპირობებულია ტრავმით ჩაატარეთ გულ-ფილტვის რეანიმაცია 1 წთ-ის განმავლობაში, შემდეგ გამოიძახეთ გადაუდებელი სამედიცინო სამსახური, დაბრუნდით დაზარალებულთან და გააგრძელეთ პირველი დახმარების აღმოჩენა;